

明治三十七八年之役是空前之大戰而世界之大局莫不繫焉然而如其戰績史乘傳之如其招魂勅祭盡之今茲所以建碑以欲傳于後昆者在誌戰時施設之成績當此戰役舉天下無不竭報國之誠以一地方言之雖不過海滴牛毫之微而其涓埃之效亦非可沒今夫舉本邨施設成績之一端則致馬糧千百五十餘石秣艸二百四十七貫太繩三千三百房或應毛布之募集或供布製之草鞋或設勞働之組合或獎勵勤儉貯蓄或洽及遺族救護其召集事務則受充負召集十有一回補充召集二十二回臨時召集八回實出應召人負一百二人其徵發事務則應馬匹徵發五回其合格馬匹出十有二頭應車輛徵發四回其合格車輛出二十五輛其他如救護出征軍人家族及遺族十有二戶又應國庫債券募集五回其額上六萬五千餘圓是等施設之成績事雖小其間邨司之熱誠邨民之致力忘私就公相結相合以纔得致報國之微忱洵足以可傳也若夫於從征役者中不過有戰歿者四病死者二廢痼者六其生死健病皆是以身致國者闔邨之榮亦大矣記以勒碑長傳不朽其銘曰

忘私奉公 舉身報國 老幼晨晷 孤寡夕耨 于糧于秣 克致其力

于輜于駿 能盡其沃 誠忱維至 不磨之德

明治三十九年十一月

五位法學博士高田早苗撰

伊藤誠刻

